

KLAIPIEDAS UNIVERSITETS



Klaipėdas universiteta emblema (ženklas)

1918 metās Lietova paskelbos nepriklausoma valstībē, lig tuo laika bovosēs Žemaitējēs regējuona administracēnēs institucējēs, laikou einont, pradiejē niktē. Istuorējēs vingiūs dali sava išskértēnoma prarada ēr Klaipėdas krašts (Mažuoji Lietova). Sovietmetio i Klaipėda sovažiava ne tik tūkstontē aplinkiniūs ražunūs, daugiausē – Žemaitējuo, gīvenusiu žmuoniū, bet ēr daugībē gīventuoju iš ivairiū bovosēs Sovietu Sājungas respubliku.

Klaipėda lig šiuol – vēns iš svarbiausiu

Vakarū Lietovuos kultūras, švēitēma muoksla cēntrū. Trauk uostamiestis ēr Žemaitējēs jaunūmenē, daugiausē tus, katrēi nu mažū dēinū svajuo aple jūra, sportēnius šuokius, tētra, režisieriaus specelībē, pedaguogēnē veikla. Tas traukuos cēntros – nu 1991 m. Mažuosēs Lietovuos istuorēnē regējuona suostēnie Klaipėduo veikous universitets. Šemē žornala numerie – platesnē pažintēs so anou.

Adresos: Herkaus Manta g. 84, LT-92294 Klaipėda.
Tel. +370 (46) 398 900. Faksos: +370 (46) 398 902.
Universiteta svetainē internetē <http://www.ku.lt/>.
Klaipėdas universiteta studēntu sājungas svetainē internetē <http://www.kuss.lt/>.

Rektuorios – prof. habil. dr. Žulkus Vladas.

KLAIPIEDAS UNIVERSITETA ISTUORĒJĒ, MISĒJĒ, STUDĒJU PRUOGRAMAS

Klaipėdas universiteta puorektuorē: studēju – prof. dr. Lauriens Vaidutis, infrastruktūras – doc. dr. Lukoševičē Antans, plietruos ēr tarptautēniu rīšiu – prof. dr. Didžiuoks Rimants, muoksla ēr mena – prof. habil. dr. Ramuons Alponsos.

Senata (senatē iš vēsa īr 40 nariū) pirminkē – prof. dr. Kšanienē Daiva

Klaipėdas universitets – nu 1991 m. sausē 1 d. uostamiestie veikonti aukštuoji muokīkla (ikorta Lietovuos Respublikas Aukštiausiuosēs Tarības nutarēmo 1990 m. spalē 5 d. Universitets uostamiestie bova ikorts Kauna politehnikas instituta ēr Šiauliū Pedaguogēnē instituta fakultetu bazie. Lietovuos Respublikas Seims patvėrtēna universiteta statuta (aktuali 2001 m. rugsiejē 18 d. redakcējē). Šēndēin universitetē Klaipėdas krašta, Žemaitējēs ēr kētū Lietovuos regējuonu gīventuojē tor galēmībē isēgītē bakalaura, magistra ēr muokslu daktara iššėlavēnēma. 2009 m. universitetē muokies 9,7 tūkstontē studēntu, dērba aple 600 darbuotuoju.

Oficeliūs Klaipėdas universiteta leidēniūs (*informacējēs šaltinis* www.ku.lt) nuruoduoma, kad šis universitets igīvendēn žmuogaus ēr intelektualiuous vēsuomenēs ugdīma misējē, sauga Vakarū Lietovuos kultūrini ēr istorēni pavelda, puoselie krašta senuosēs tradicējēs. Muoksla ēr studēju vēinuovē, anū kuokībēnē integracējē i Lietovuos bei Euruopas mokslēnē erdvē – pagrindinis Universiteta veikluos princips. Universiteta misējē īr universali ēr karto išskértēnē – tenkēnont Lietovuos kāp jūru valstībēs reikmēs rēngtē kvalifikoutus



Restauroutu Klaipėdas universiteta pastatū buokštėlē bovosēmē Klaipėdas kareiviniu miestelie. Portėgrapējē iš RKIC archīva

specialistus, atlēktē fundamentaliūsius ēr taikuomūsius tīrēmus.

Klaipiedas universitetē īr pritaikuoms Vakarū demuokratēniu universitetu muodelis. Igīvendēnamas studēju pruogras atitink Euruopas ēr JAV universitetu reikalavēmus.

Universitets formoujēs kāp autonuomēšks, muoder nos muoksla ēr studēju židinīs, dēdlē svarbos vēsuos mūsa šalēis, daugiausē Vakarū Lietovuos regējuonou, Baltējēs jūras universitetu sandraugā.

Universitetē īr plietuojama profesiounali menēnē veikla. Klaipiedas universiteta mena kolektīvā ēr anuo atskērē atlikiejē īr pasēikē aukštū menēniu rezultatu, poikē atstuojaun Universiteta ēr tonkē īr anuo atpažēnēma žēnkļā Lietovuo ēr užsienie.

Kou īšsiskēr Klaipiedas universitets īš kētū Lietovuos aukštūju muokīklu?

Klaipiedas universitetē trijuos pakuopus (bakalaura, magistra, doktorantūras) veik 67 bakalauo studēju, 4 specialiūju pruofesēniu studēju, 48 magistrantūras studēju, 3 doktorantūras studēju pruogras.

Universitetē īr plietuojemas tuokēs mokslēniu tīrēmu, menēnēs veikluos ēr akademēnēs veikluos krīptis, katrū nier kētūs Lietovuos universitetūs: jūru aplinkuotīra ēr jūru transporta inžinerējē, hidruoluogējē ēr okeanuograpējē, jūru ūkē ekuonuomika, Mažuosēs Lietovuos ēr Baltējēs jūras regējuona istuorējē ēr kalba, ekuoluogēnē inžinerējē, kraštuovaizdē arkitektūra, povandenēnē arkeuoluogējē, uosta teknuoluogēju valdīms, uosta statēniū inžinerējē, rekreacējē ēr turizmos, slauga, socia-



Restauroutūs Klaipirdas universiteta pastatūs, kor onkstiau bova sovietēnēs armējēs kareivēnēs, dabar veik Universiteta rektuorats, īr īrēngtas kētas Universiteta reikniems pritaikītas patalpas



Klaipiedas universiteta miestelē, katramē īr isēkūrēs ēr universiteta rektuorats, vēita Klaipiedas miesta žemielapie (pažimieta tomsesnē spalva). Portēgrāpējēs īš KU archīva



lēnē geografējē, džiaza mozēka, sportēnē šuokē ēr cho-reografējē, vaikīstēs pedaguogika.

Universitetē gal studējoutē ēr užsienē šaliū gīventuojē. Anēms īr parēngtas 7 tarptautēnēs pruogras.

Klaipiedas simbuolis – Klaipiedas žvejū kultūras rūmā. Mukienēs Danutē portēgrāpējē